

祈 禱 (含主禱文) 司 禮

啓 應 17(詩篇 65) 司 禮

(啓)上帝啊，人著佇錫安稱讚祢；

(應)閣著對祢謝所下的願。

(啓)聽人祈禱的主啊，

(應)全人類攏欲就近祢。

(啓)罪壓倒我；

(應)毋拘阮的過失祢攏欲赦免。

(啓)祢所揀選，互親近祢，住佇祢殿院此款人，真有福氣！

(應)阮欲因為祢的厝，祢的聖殿的福氣心滿意足！

(啓)日出日落的所在，祢互個歡呼；

(應)祢眷顧土地，落雨灌沃，互土地真肥。

(啓)上帝的河，水滿滿；

(應)祢按呢準備土地，供給五穀。

(啓)祢灌溉田園，修平土地，

(應)落夠額的雨水互土肉軟軟

(齊)祢賜福互農作物大穰。

(啓)祢用豐收做年冬的王冠；

(應)祢經過的路有油啲滴，

(啓)連曠野的草埔嘛有油啲滴。

(應)山頭用歡喜做帶緒，

(啓)草埔用羊群做衫穿，

(應)山谷用五穀做外套

(齊)攏歡喜出聲吟詩。

聖 詩 . . . 184 首「上帝疼痛哪會赫大」 . . . 會 眾

1. 上帝疼痛哪會赫大，歡喜施落互我！

揀我卑微小可的人，互我及祂近倚。

2. 耶穌恩典哪會赫深，充滿佇我心內！

因為對信聖經福音，心會平安自在。

3. 聖神感動哪會赫闊，互我深知過失；

承受福音心受感化，性命換新、正直。

4. 父、子、聖神，三位一體，至聖、至高、至大；

尊貴，榮光永遠無替，謳唸祂名無息。

(複)因為我知所信的救主，若深信倚靠，

會得祂保守，會保守所交託祂的，會保守直到彼日。

聖 經 羅馬書十五：13 司 禮

(華)願賜盼望的上帝，因你們的信把各樣的喜樂、平安充滿你們的心，使你們藉著聖靈的能力大有盼望！

(台)願賞賜向望的上帝，互恁對信來充滿逐樣的歡喜、平安互恁佇聖神的權能得著滿滿的向望。

獻 詩 新春祝歌 聖歌隊+會眾

1. 每一年正月初一，敬拜上帝做第一，大家同心來聚集，唱歌讚美相親密。讚美讚美讚美祂，啊，讚美讚美讚美祂。

2. 兄弟姐妹有福氣，成做上帝的子兒，大家相愛常吟詩，主的祝福愈加添。願主祝福祝福你，啊，願主祝福祝福你。

獻 詩 上帝祝福你 聖歌隊

恭喜恭喜呀恭喜你，主的福氣臨到你，恭喜恭喜呀恭喜你，主的平安賞賜你，歡喜歡喜呀真歡喜，主的愛疼包圍你，歡喜歡喜呀真歡喜，主的聖神充滿你。新的一年來迎接，主的恩典愈加添，打拼頭前，過去放殯記，重新跑走向前去。

咚咚隆咚鏘，唱哈利路亞，一切榮耀尊貴攏歸耶和華。

咚咚隆咚鏘，唱哈利路亞，一切榮耀尊貴攏歸耶和華。